



Broj: 13-11-4-6209/25
Sarajevo, 15.08.2025. godine

Na osnovu člana 100. stav (4) u vezi sa članom 69. stav (2) tačka d) i 70. stav (4) Zakona o javnim nabavkama ("Službeni glasnik Bosne i Hercegovine" br. 39/14, 59/22 i 50/24), člana 146. Statuta Općine Novo Sarajevo ("Službene novine Kantona Sarajevo" br. 5/20 - prečišćeni tekst i 20/20 - ispravka), a na prijedlog Komisije za javne nabavke roba, radova i usluga, Općinska načelnica donosi sljedeću

ODLUKU

I

Usvaja se blagovremena žalba žalitelja ZEDIS d.o.o Zenica, izjavljena na Odluku o izboru najpovoljnijeg ponuđača za javnu nabavku usluge „Monotoring saniranih i umirenih klizišta“ broj: 13-11-4-6209/25 od 01.08.2025. godine, objavljena na web stranici Općine dana 01.08.2025. godine.

II

Poništava se postupak javne nabavke „Monotoring saniranih i umirenih klizišta“.

III

Danom stupanja na snagu ove Odluke stavlja se van snage Odluku o izboru najpovoljnijeg ponuđača broj: 13-11-4-6209/25 od 01.08.2025. godine.

IV

Po pravosnažnosti ove odluke, za njeno izvršenje zadužuje se Služba za zajedničke poslove.

V

Odluka će se objaviti na web stranici www.novosarajevo.ba, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) i članom 71. Zakona o javnim nabavkama BiH.

Obrazloženje

Postupak javne nabavke proveden je putem otvorenog postupka javne nabavke, a pokrenut je na osnovu Odluke Općinske načelnice broj: 13-11-4-6209/25 od 19.06.2025. godine.

Procijenjena vrijednost javne nabavke sa PDV-om je: 100.000,00 KM (slovima: jedinstotina hiljada 00/100 konvertibilnih maraka).

Obavještenje o javnoj nabavci broj: 935-1-2-100-3-170/25 objavljeno je na Portalu javnih nabavki dana 02.07.2025. godine

Žalitelj ZEDIS d.o.o. Zenica, je putem pošte dana 08.08.2025. godine, a ista je zaprimljena na protokol Općine dana 11.08.2025. godine, izjavio žalbu na Odluku o izboru najpovoljnijeg ponuđača, u postupku javne nabavke usluga „Monotoring saniranih i umirenih klizišta“, objavljene na Portalu javnih nabavki sa Obavještenjem o nabavci broj: 935-1-2-100-3-170/25 od 02.07.2025. godine.

Prije nego što se upustila u meritorno odlučivanje po pristigloj žalbi, Komisija za javne nabavke roba, radova i usluga je pristupila provjeri formalnih pretpostavki za ulaganje žalbe, koje moraju biti ispunjene od strane žalitelja, kako bi se pristupilo njihovom rješavanju, a koje se odnose na uslovljene pretpostavke u skladu sa odredbama člana 100. stav (1) Zakona o javnim nabavkama, odnosno na blagovremenost, dopuštenost, urednost i izjavljenost od strane ovlaštenog lica i od lica koje ima aktivnu legitimaciju.

Komisija za javne nabavke roba, radova i usluga je konstatovala da je pristigla žalba podnesena blagovremeno od ponuđača ZEDIS d.o.o. Zenica koji je dana 01.08.2025. godine zaprimio Odluku o

Općina Novo Sarajevo, ulica Zmaja od Bosne br. 55, centrala telefon (387 33) 492 100

Komisija za javne nabavke roba, radova i usluga

tel: (387 33) 492 112, fax: (387 33) 492 145, email: zajednickiposlovi@novosarajevo.ba
Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d.

izboru najpovoljnijeg ponuđača broj: 13-11-4-6209/25 od 01.08.2025. godine, te da je ista i dopuštena, uredna, te izjavljena od ovlaštenog lica i od lica koje ima aktivnu legitimaciju.

Komisija za javne nabavke roba, radova i usluga je ispitala i osnovanost uložene žalbe u kojoj se navodi sljedeće:

„Na Odluku o izboru najpovoljnijeg ponuđača broj: 13-11-4-6209/25 od 01.08.2025.god.u otvorenom postupku za nabavku usluga "Monotoring saniranih i umirenih klizišta".

Žalilac je 07.08.2025.god. izvršio uvid u ponudu odabranog ponuđača BN Pro d.o.o. Sarajevo i utvrdio da u svojoj ponudi nema adekvatnu potvrdu o uspješnoj realizaciji ugovora čiji je karakter i kompleksnost sličan onima koji se traže u tački 7.4.1. tenderske dokumentacije, a koji se odnose na geodetsko osmatranje klizišta i geotehničku interpretaciju stabilnosti tačaka.

BN Pro d.o.o Sarajevo je dostavio potvrdu o Novelaciji "Studije stabilnosti terena KS" I faza koju je izdala firma Design&QC d.o.o. Sarajevo broj 591/25 od 23.07.2025.god. u kojoj se uopšte ne spominju geodetska osmatranja klizišta i geomehanička interpretacija stabilnosti tačaka što je traženo tenderskom dokumentacijom.

Predmetni posao iz potvrde ne obuhvata poslove iz predmetne nabavke to jest uspostava geodetskog monitoringa na klizištima i geomehanička interpretacija stabilnosti klizišta. Poslovi priložene potvrde podrazumjevaju izradu studije stabilnosti terena za potrebe izrade prostornog plana Kantona Sarajevo, urbanističkih i regulacionih planova. Dakle na poslovima se vršila analiza podataka u svrhu izrade studije tj da se evidentira gdje su potencijalna klizišta, gdje je teren stabilan, gdje se smije graditi i slično.. Zaključno svemu u predmetnom poslu dostavljene potvrde vršen geodetski monitoring klizišta i geomehanička interpretacija stabilnosti klizišta.

Investitor na projektu priložene potvrde je Zavod za planiranje razvoja Kantona Sarajevo i prilikom pokretanja nabavke piše citiram " Izradom ove studije nadležne službe u Kantonu i Općinama bi dobile ažurnu kartu i bazu podataka o stanju zemljišta, pogodnosti za gradnju, zonama na kojima bi se zabranila stavka neplanska gradnja i legalizacije neplanske gradnje objekata.

Predmetna nabavka ima svrhu da se kontinuiranim geodetskim monitoringom, koji će se raditi svako tri mjeseca, utvrdi da li na evidentiranim klizištima ima pomaka i deformacija i da se interpretacijom rezultata utvrdi da li su sanirana klizišta bezbjedna za život stanovništva.

Naša ponuda je odbijena zbog toga što u Obrascu za Cijene ponude ANEKS 3 nismo popunili jedinične cijene za stavke Završni izvještaj paušal 1 čija je jedinična i ukupna cijena ista, tako da naša ponuda u ukupnoj cijeni se ništa ne mijenja. Naša ponuda ispunjava tehničku i profesionalnu sposobnost što je vidljivo iz potvrde o dobro izvršenom poslu broj 09-11-9-3641/25 od 21.04.2025.god. izdatom od općine Novo Sarajevo za usluge geodetskog i geotehničkog monitoringa klizišta.

Zbog toga što je naša ponuda odbijena Ugovorni organ je imao samo još jednog ponuđača I oni su njega odabrali bez obzira što ne ispunjava tehničku i profesionalnu sposobnost, što je ključno za odabir ponuđača..."

U vezi sa navodima žalitelja, Komisija za javne nabavke roba, radova i usluga je konstatovala da je **žalbeni navod osnovan iz sljedećeg razloga:**

Ugovorni organ je pokrenuo postupak javne nabavke „Monotoring saniranih i umirenih klizišta“, te stavio na raspolaganje tendersku dokumentaciju koja je u svemu pripremljena u skladu sa Zakonom o javnim nabavkama BiH, te Uputstvom za pripremu modela tenderske dokumentacije i ponuda.

Tačkom 7.4.1. a) tenderske dokumentacije od ponuđača je zahtijevano uspješno iskustvo u realizaciji najmanje 1 (jednog) ugovora, čiji su karakter i kompleksnost slični onima koji se odnose na predmetni ugovor, a koji se odnosi na geodetsko osmatranje klizišta i geotehničku interpretaciju stabilnosti klizišta, u posljednje 3 (tri) godine računajući od dana objave Obavještenja o predmetnoj javnoj nabavci ili od datuma registracije odnosno početka poslovanja, ako je ponuđač registrovan, odnosno počeo sa radom prije manje od 3 (tri) godine.

U svrhu dokazivanja ispunjenosti uslova iz tačke a) ponuđači su dužni dostaviti sljedeće:

DOKAZ ZA a1): Spisak uspješno realizovanih ugovora čiji su karakter i kompleksnost slični onima koji se odnose na predmetni ugovor, a koji se odnosi na geodetsko osmatranje klizišta i geotehničku interpretaciju stabilnosti klizišta. (Dokument 3).

DOKAZ ZA a2): 1 (jedna) potvrda o uspješnoj realizaciji ugovora, čiji su karakter i kompleksnost slični onima koji se odnose na predmetni ugovor, a koji se odnosi na geodetsko osmatranje klizišta i geotehničku interpretaciju stabilnosti klizišta. (Dokument 4).

Ponuđač BN Pro d.o.o. Sarajevo, je dostavio Potvrdu izdatu od firma Design&QC d.o.o. Sarajevo broj 591/25 od 23.07.2025. godine, u kojoj je navedeno da je firma BH PRO d.o.o. Sarajevo uspješno izvršila ugovorene obaveze uz pravila struke. Naziv odnosno predmet Ugovora je bila „Novelacija studije „Stabilnost terena Kantona Sarajevo“ I faza“.

Iz navedene Potvrde nije se moglo zaključiti o kojoj vrsti i obimu poslova je riječ, te je Komsija u skladu sa članom 48. stav (5) Zakona o javnim nabavkama (“Službeni glasnik BiH”, br. 39/14, 59/22 i 50/24), zatražila da ponuđač pismeno pojasni dostavljenu referencu, i to na način da dostavi informaciju o vrsti i obimu poslova koji su urađeni u sklopu realizacije navedenog ugovora.

Ponuđač BN PRO d.o.o. Sarajevo je dana 28.07.2025. godine, putem e-maila dostavio Pojašnjenje Potvrde o uspješno izvršenom poslu broj: 080/25 od 28.07.2025. godine, u kojem između ostalog navodi sljedeće:

„U okviru projekta It Novelacija studije "Stabilnost terena Kantona Sarajevo" I faza 't naša firma BN PRO d.o.o. Sarajevo je bila angažovana na realizaciji studije stabilnosti, odnosno njenoj novelaciji koja je sa geodetskog aspekta podrazumijevala praćenje i analizu svih klizišta (aktivnih, umirenih, saniranih) u urbanom području Kantona Sarajevo, tradicionalnim i savremenim geodetskim metodama. Između ostalih geodetskih metoda posebno je korištena savremena tehnika praćenja deformacija primjenom radarske interferometrije, odnosno primjenom satelitskih radarskih sanimaka. Ovaj projekat je dio šireg procesa koji uključuje istraživanje tla, analizu stabilnosti i izradu projekata za sanaciju terena.

Rezultati geodetskih mjerenja i analiza bili su ulazni parametar za ostale struke (geologija i geotehnika) da daju konačan sud o stanju klizišta i stanju stabilnosti, što je i predmet nabavke Vašeg projekta.“

Nakon zaprimanja Žalbe žalitelja ZEDIS d.o.o. Zenica, Komisija za javne nabavke roba, radova i usluga je izvršila ponovni pregled i ocjenu ponude ponuđača BN PRO d.o.o. Sarajevo, te utvrdila da navodi iz Potvrde i Pojašnjenja Potvrde o uspješno izvršenom poslu ne odgovaraju onome što je Ugovorni organ propisao u sklopu tačke 7.4.1. a) Tenderske dokumentacije.

Naime, navedenom tačkom je zahtijevano da se dostavi najmanje 1 (jedna) potvrda o uspješnoj realizaciji ugovora, čiji su karakter i kompleksnost slični onima koji se odnose na predmetni ugovor, odnosno koji se odnosi na geodetsko osmatranje klizišta i geotehničku interpretaciju stabilnosti klizišta. U Pojašnjenju Potvrde o uspješno izvršenom poslu se navodi da je ponuđač izvršio praćenje i analizu svih klizišta (aktivnih, umirenih, saniranih) u urbanom području Kantona Sarajevo i to na način da je najviše korištena tehnika praćenja deformacija primjenom radarske interferometrije, odnosno primjenom satelitskih radarskih sanimaka. Rezultati

Općina Novo Sarajevo, ulica Zmaja od Bosne br. 55, centrala telefon (387 33) 492 100

Komisija za javne nabavke roba, radova i usluga

tel: (387 33) 492 112, fax: (387 33) 492 145, email: zajednickiposlovi@novosarajevo.ba
Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d.



geodetskih mjerenja i analiza bili su ulazni parametar za ostale struke (geologija i geotehnika) da daju konačan sud o stanju klizišta i stanju stabilnosti.

Iz navedenog se da zaključiti da BN PRO d.o.o. Sarajevo je izvršio osmatranje klizišta isključivo putem satelitskih radarskih snimaka, nakon čega su ti rezultati služili kao ulazni parametar za ostale struke, što je u suprotnosti sa zahtjevanim iz razloga jer je Ugovorni organ tražio da se potvrda odnosi i na geotehničku interpretaciju stabilnosti klizišta, što u navedenoj potvrdi nije bio slučaj.

Komisija za javne nabavke roba, radova i usluga je cijeneći žalbene navode i propisani zakonski postupak, utvrdila da je žalba žalitelja ZEDIS d.o.o Zenica osnovana, te jednoglasno predlaže Općinskoj načelnici da usvoji uloženu žalbu, da stavi van snage Odluku o izboru najpovoljnijeg ponuđača broj: 13-11-4-6209/25 od 01.08.2024. godine, te postupajući u skladu sa članom 100. stav (4) u vezi sa članom 69. stav (2) tačka d) donese Odluku o poništenju postupka javne nabavke iz razloga jer nijedna od primljenih ponuda nije prihvatljiva.

Općinska načelnica je saglasna sa prijedlogom Komisije za javne nabavke roba, radova i usluga koja je u postupku ocjene provedenog postupka postupila u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 100. stav (4) u vezi sa članom 69. stav (2) tačka d) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od **10 (deset) dana** od dana prijema.

Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje 3 (tri) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH, broj: 08-02-2-8303-1/14 od 09.10.2014. godine.

OPĆINSKA NAČELNICA

Prof. dr. Benjamina Karić

